




Broj: 01-05-3789/17
Sarajevo, 30.08.2017.g.



Gradsko vijeće Grada Sarajeva

N/r Igor dr. Gavrić, predsjedavajući

Predmet: Odgovor na vijećničku inicijativu upućenu na 5. sjednici Gradskog vijeća Grada Sarajeva (gradska vijećnica Barbara Peleš Stroil)

Veza: Vaš akt, broj: 01-02-1141-1/17 od 28.06.2017.g.

Poštovani,

Gradska vijećnica, gđa. Barbara Peleš Stroil, uputila je vijećničku inicijativu sljedećeg sadržaja:

“Podnosim inicijativu za uređenje korita rijeke Miljacke ispod mosta na Malti u općini Novo Sarajevo.

Korito rijeke Miljacke zaraslo je bujnom vegetacijom i puno je smeća ispod mosta na Malti i predstavlja ruglo grada.

Prije nekoliko godina usljed obilnih padavina velika količina zemlje se odronila i upala u rijeku Miljacku te se na tom mjestu nalazi ostrvo na kojem raste drveće, a koje zauzima polovinu cijelog korita na tom mjestu.

Projektom „Čista rijeka Miljacka“ koji je pokrenut 2008. godine bilo je planirano da se korito rijeke Miljacke očisti potpuno za pet do sedam godina te da se izgrade kolektori koji bi prečišćavali vodu od fekalija.

Cilj projekta je bio očuvanje i poboljšanje kvaliteta vode, osiguranje čistoće, zaštita resursa i ekosistema rijeke Miljacke i promocija turističkih lokaliteta uz Miljacku te razvoj ekološke svijesti građana.

Nažalost projekat nikada nije realizovan do kraja.“

Odgovor:

Činjenica je da nanosi materijala, formiranje sprudova i vegetacija u koritu rijeke Miljacke predstavljaju problem i da su sprudovi evidentirani na više lokacija, a projekat čišćenja korita definisan je kao prioritetan i u Studiji „Čista rijeka Miljacka“, ne samo zbog čistog korita, nego i povećanja propusne moći vodotoka, a samim tim i zaštite od poplava.

S tim u vezi, a u skladu sa nadležnostima Grada vezanim za vodotoke i gradsku Odluku o korištenju, održavanju i čuvanju uređenih korita i obala vodotoka na području grada Sarajeva („Službene novine Kantona Sarajevo“, broj 2/07) i planiranim sredstvima u Budžetu Grada, urađen je Elaborat čišćenja i uređenja korita rijeke Miljacke od riječnih nanosa i niskog rastinja, kojim su obuhvaćene četiri dionice na kojima nanosi materijala i rastinje smanjuju protok vode, doprinose razmnožavanju zmija i pacova, a korito djeluje ružno i zapušteno.



Budući da poseban problem predstavlja dionica na području općine Novo Sarajevo ispod mosta na Malti, koja je predmet podnešene inicijative, ona nam je i prioritet u ovim aktivnostima.

Postupak javne nabavke za odabir najpovoljnijeg ponuđača za izvođenje radova je pokrenut i očekujemo da se sve procedure završe u zakonom propisanim rokovima, a izvođač uvede u posao u periodu niskog vodostaja rijeke Miljacke.

Nakon provedenog postupka javne nabavke putem Konkurentskog zahtjeva za izvođenje radova uređenja i čišćenja korita rijeke Miljacke od riječnih nanosa i niskog rastinja, zaključen je Ugovor sa ponuđačem Bosman d.o.o. kao izvođačem radova. Ukupna vrijednost radova iz ovog ugovora iznosi: **66.088,00 KM bez PDV-a odnosno 77.322,96 sa PDV-om**. Ugovorom za izvođenje radova uređenja i čišćenja rijeke Miljacke od riječnih nanosa i niskog rastinja obuhvaćene su slijedeće dionice:

- most malezijsko-bosanskohercegovačkog prijateljstva – most Hrasno
- most Suade i Olge – most Skenderija
- Latinska ćuprija do ušća Bistričkog potoka
- Šeher – Čehajina ćuprija – brana Bentbaša

Nadzor nad izvođenjem radova je Zavod za izgradnju Kantona Sarajevo.

Tokom mjeseca avgusta izvedeni su radovi na čišćenju obala rijeke Miljacke od grmlja, šiblja i ostalog rastinja na dionici most Suade i Olge do brane na Bentbaši. Ugovor je nakon provedenog postupka javne nabavke putem Konkurentskog zahtjeva zaključen sa ponuđačem AIDA COMMERCE d.o.o. Ukupna vrijednost radova iz ovog ugovora iznosi: **46.746,00 KM bez PDV-a odnosno 54.692,82 KM sa PDV-om**.

Ovi radovi su sufinansirani od strane Ministarstva privrede Kantona Sarajevo na osnovu zaključenog Sporazuma o sufinansiranju sa Gradom Sarajevom.

Gradonačelnik Grada Sarajeva

Mr. Abdulah Skaka

Dostaviti:

- naslovu,
- a/a